

Bi helkeftina bîranîna 45 salya şewata sînema amûdê :

milletê amûdê jiyan da evê helkeftinê bi serdana sînemê û vêxistina mûman û danîna gurzên gulên li ser pûtê pakrewana û bi vî awayî (koma amûdê) ya çandî û hunerên kurdî hefteyeke rewşenbîrî li darxist .

destpêka çalakîyên hefteyê ji /14/11/2005/ bi kar hat , û programê hefteyê jî bi vî şêweyî hate amedekirin :

14/11/2005/ şeva yekemîn mamoste ( Hesen Dirê'î) amedekarî da pirtûka xwe ya bi navê (amûda teherîq) , û li pê jî danin û stendin bi pirs û bersîva şevbihêrk pîr dewlemend bû .

15/11/2005 / şeva duyemîn mamoste ( Arşek) şirova rêzanên rêzimanî ji pirtûka xwe ya bi navê ( zar û ziman) bi ravekirin da û bi raweyek fireh pirsên ji darêj û mijadên pirtûkê jê hatin kirin , û eve mijada wî :

berî her tiştî silav ji rêçanên helbestê  
ji wer bibarin xunav ji gûmanên xuristê

rewşenbîr û nivîskarên hêja ...guhdarên pêşvefû..

mijada min mebest û xwestêka gelê mine..

pêwîstê ku em jî mîna hemû kesên cîhanê li rêzimana xwe bikolin.

Ereb şemo û Celadet bedirxan û Kamîran bedirxan-Qenatê kurdo-Reşîdê kurd-Osman sebrî û pîr zanyarên din yê xwedî hêz û bîr û bawerî ji mere Bûne ronahiyêke ber bi çav û xuyanî,divêt em jî li pê wan di vê ronahiyêde şopgêr bin, da em pêşve biçin...

lewra min jî ev daxwaza gellê kurd bi miqatîyî bi cî aniye çîku kurd li hunkûfî rêzimanekê rastgêrin.

rêzimana her zarekî xurtîya wî zimanî bi rêzanên zimanî dide xuyanî..

wekê ku hatiye nasîn : rêziman nivîsan tîpên latînî di zimanê kurdî de bi pêşketina demê re bi kar anîne ..31 tîp ji A B C ya kurdî re danîne,

û rêzanek di rêzimana kurdî de jî heye eve şirova wê..(zimanê kurdî zimanekî axavtî ye û peyvî ye) demek çitove têt bi lêvîkirin weha jî têt nivîsandin,

ji evê nasîne têtîneke bi wate dertê..pîr lêkolîner jêre mijûl dibin û li ser di ponijîn. eger em rêzanê neşkinin û

durust bi cî binin..hin tîpên din ji pêvî 31 ên berî gerekîn, wekî bilêvîkirina tevayên herêma ji welêt.

mînak: tîpên Ç K P T

di nerîna min de ji kêferata hay û heştan pêjna cewîdara jê dikim,

TÊBÎN: alava (dar) di zimanê kurdî de arziyê dide xuyan,

Wek: ez maldarim, demek ez xwedî malim..ez mal samanîm

Balo cewîdar rezberya xwedî cewî dide û cewî jî evin:

Ç K P T

mînakî jiboyî ravekirinê: ço- dengênave jiboyî ajotîna Kere

ço- dare,şive  
kar-kar  
par-par  
tar-tar

eger em hîn kwîrtir jî dakevin emê bibînin ku ev tîpana  
li gorî pîvan û endazyê, di dawiya hemû goşe û bêjeyan de  
dibin cewî tenê û ev jî taybetmendiyeke zimanê kurdî ye  
jiber ku bilêvkirin û ji devderkirina tîpên cewî..Ç-K-P-T  
sert û kurt û sivik û zû dertên ..zarav bi wan zelal dibin  
lê cewîdarên Ç -K-P-T ..bi asayî..nerm..dirêj û giran dertên  
li gor biçima(fonîtîka)berhemên tîpan û weşanên pêllêzên wan.

Wek:leç-pûç-sernûç tîpa Ç  
çek-serik-şayik tîpa K  
gep-şop-dilop tîpa P  
kat-pêt-civat tîpa T

û ya dîtir..ABC ya kurdî du beşên tîpa tede hene:

1-beşek ji celebê BCCD...bê dengin yan jî deng xwazin,  
dengê ji evan tîpan re nebe pêşgir yan jî paşgir ,  
nabin û ji dev der nayên,

çiku eger  
ev tîpana bi lêvkirin

ev tîpana bi dengdara deng didin.

2-beşê ji celebê A Î Û O evana jî .8. tîpin .bi sê nava nas dibin:

1-dengdarin:demekî xwedî dengin.

2-dengdêrin:dengê ji dev derdixin û li ber bayê didêrin.

3-dengderin:dengê didin der (derdixînin).

\_taybetmendiyeke zimanê kurdî heye ku hevbende û hevbendiya goşe û bêjeyên evî  
zimanî ji tibabên babê û curane ,û ya hîn zortir jî ..bindestîya kurd û setema kevnar  
ya ku hatiye ser..bûye sedemeke mezin bandora xwe daye liv û bizavtina rêzanên  
rêzimana kurdî û bi vî awayî rewanbêjya ziman û zarxweşya wî lawaz kiriye,aloziyên  
giran tede peyda bûne, ev mukurhatineke ji kurdan teva tê xwestin,  
demek astengî di riya lêkolînerên rêzimanê de gov û kom bûne, wêrankirin asaye lê  
avakirin zore..

zaravên herêmî û rêzanên zimanên  
hogerên hawêrdorî kurdistan bi nifşan xwe di nava zar û zimanê me de bi cî kirine,  
ango zimanê me kurda tar û mar kirine,

lê tevli evan zortengiyan jî hîna goşe û bêjeyên kurdî yên makî û hin ji malbatên  
rêzimanê yên kokî û bingehî li serxwe mane, ew baxên hevî û omûdewera lêkolînerên  
ziman av didin,.

hezên ketaket wirceke kêr û hindik û hodebûneke demxwaz pê digihêjinin..

lê karekî hevbeş ji saxtman û dezgehên welatî girînge, û têkiliyên  
rewşenbîrî di nava xêzk û têlbîrên welêt de dîsa girîngin, tevde jiboy rêzgariya zar û  
zimanê kurdî..,

davdiliyên dilsozî jiboyî we

û sipas

16/11/2005/ şeva sêyemîn helbestî bû :

1- amozê (Şêrîn Gêlo): helbestên xwe bi navê ( amûdê-diyariyek ji boy hebesvan " Dil êş" –diyariyek ji boy hunermend "Şeyda" – diyariyek dîtir ji boy hunermend "Şeyda" – Sofî Elî dúbare bû – û hin pirtên helbestî ) û eve hebesta ( Sofî Elî) :

## De Lorî

De lorî berxê bavê nino lorî  
 Ez bi gorî destê pênûsê de lorî  
 Ez bi gorî cilê qetyayî de lorî  
 Ez bi gorî nigê xwas  
     Zikê biçî  
     Qirka ziwa  
     Çavên tirsyayî de lorî  
 Ê de banke sofî elî de banke  
 Werin kezebê şewitî  
 Werin sinbilê dila  
 Ey sofî elî tu çi  
 Difroşe  
 Barê te ne tê kirîn û ne tê firotin  
 Werin kezeba şewitî  
 Werin lepê kîvroşkan  
 Werin baskê çivîkan  
 Werin peryê hec hecîkan  
 Hey Lo sofî elî debanke  
 Dengê te dewla xwe  
 Ji bîra temenê me dadigre  
 Banke hewar agir sinbilê dilê me dixwe  
 Agir avêt mizgeftên bajar  
 Agir bajar ji berêvde xwar agir avêt kirasê ke'ibê  
 Agir avêt kefenê pêximberan  
 Ew kiyê agir di herçar aliyê jiyanê de dadaye

Wê kî avekê li vê dogehê ke  
Bîna kizûrî ji singa xwedê di fûre  
De banke sofî elî de banke  
Werin şekirê cejnê di lepên  
Vala de deynin  
Cejneke din di ser van lepan de  
Derbas na be  
Werin balgehek nerim  
Di bin vî serîxin  
Zemînek cemidî di bin van lingan xin  
Werin çavên xwe bi vê komirê  
Kil bikin ta ev çav nema xewê bikin .

**Şêrîn gêlo**

2 – amozê (Nesrîn Têlo) : du helbest bi navê ( evîna sor – pêşmerge ) û çîrokek bi navê ( bîr anînên dûr ji boy Amûdê ) û hindek axaftin li ser bûyera sînemê , û eve çîroka wê ev bû :

## ***Jî Bîranînê dûr***

Sê kılîtê Amûdê li nik min hebûn, her kılîtek yê şehnamekê bû , ewan li gel hev şahinşahiya dil û bîranînên min bûn , dema tete gotin ( mala me li Amûdê ) ...di cih de hewşekî berfireh tete ber çavê min , gulzareke rengîn , û hevrîstek bilind di ortê de ..ji wê bilindiyê dinêre û sılavêt şîn û geş ji germahiya rehan bi rêve dike ji Amûdê re hemû mal bi mal .

Kûçkek delalî bi nav û deng navê wî Qero bû , di de dîf şehlewendê zılama dilêrê mêra ( bavê Zînar ) ew e bû yê xakê xwe digirt di bin pêngavêt wî yê pir bawer .

Tox ...dîdevan ...û çend tîpêt ron ...di din dîf hev , li rûpelê hatavê rêz di bin gotinek ...ewe ye destpêk dûmahîya min .

- Amê hoşyar : mala wî li ser stûnê mehrebani yê avabi bû .li ser textê şahiya wî , Zeyosê evîndara rûniştûbû , navê Rojîna xwe li ser aso datanî û textê wê li nik Zîn û Julyêt rêz dikir .

Çendî zaroktîya min ban wan fikir da dagerin da bizîvirin da ez li nik wan rûnim di hentûrê raxistî bi qedîfê ercîwanî . an li sendelîya tenîştê rûnim nik fenerê heştujî , bi çîrayê wî yê zerevî . li dengê nigê hespê xemilandî guhdarî kim , û ajovanê qamçî di dest , carekê bi wî sêwlekan di tirsand û carna hespê xwe bi wî haydar fikir . wase dil aram di bû di xweşikî mîna xweşîya xewnêt şêrîn .

- Xalo Helîm : dergeha şahîyê ..çîrûsîya cejnan .. nişana şîkbûnê .. dema xatir ji

civate dixwest dilan çand gav bi dîfre diçûn . wesa xalê min di hişê min mabû rewşekî taybet û dengêkî cuda li ser pêlelerzêt gerdûnê de .

dema dayka min amadîya me fikir da em biçin amûdê , çavêt min bi dîf tevgera wê di man , û bi îk carîya rêz û perwerî ez rûdiniştim mîna ku ez li perestegehekî pîroz rûniştî me . lê sema dilê min bavê min tenê di dît nizanim .çima ew Amûdê di dît warê derdê giran û bîranîn bi êş . ??

ji bre hindê pişta kêfa min hinekî kivan di bû

û bi taybetî deme carekê dengê wî hat ûgot: zaro çendî bi kêfîn,mal ne xeraba tu dibê wê biçne Parîsê

ez ketim nav ciha lê xewa min ne hat .. ez mijûl mam bi wê gotnê : mana xwe kêfa me ne li gofî bejna Amûdê ye ?? duver Parîs .... aya eweye pîvoka espehîyê li cîhane de ??

Ta dayka min hat da betanî yê din bi me daka mîna adeta wê di zivistanî dît ku ez şiyarim ...bi dengê nevî got :( razê qîza min da tu min şiyarke sibehî zû ) . lê min ceger kir vê carê û min bi dawdêla wê girt û min pîrsî ( Da .. bo çî baba hej Amûdê nakî ) ? mat ma û duver got na ew jî hej Amûdê dike lê ji ber wê bêrîya me bike wesa digot . ji nûve pişta kêfa min hinekî rast bû , û ez di xewde çûm .....

Wesa Amûdê yaqûta dil bû , û her dem kimankirî bo bi romansîya xewnên şêrîn ta qîrînîya wê bi ser guhê me de hate xwar mîna birûskekî tund. Bi ser komerkirna sê sed zarokên wê di etûnê sînemê de , yê bêtir jî demokek reş werne girtin ji demê de . Dayka min kete şûneke giran bi ser zarokê xalê min , lê bavê min ma bêtir li me bana û ma bêtir û ma bêtir me di parêze , mîna ku ma li ser me dutirsî ji şewtên din , şewtê ji nişkêve .

Piştî wê hevgerîya rıncor , gelek mal ji Amûdê koçkirin yek ji wan mala xalê min bû .

Deh sal bûrîn .. carek min dît ji nû ve ez li Amûdê me , tişteke tenê min xwest , serdana goristanê .

Di naw goristana bê ser û bin de .çûn dilê min destê xwe li ser her selîn dibir ta li ber selînekî venişt , navê herdû zarokê xalê min li ser bûn , dilê gerdûnê vexumî û tişteke nema . az ketim malkî mezin , mirovan lê rawestî di xewde çûbûn , dem ber bi êvar bû , pencerek bi tenê li wê malê de habû . ez bi alîve çûm ta ez ghiştim , li hêla din gerdûnek din min dît , roka wî di orta ezmana de bû . Serfiraz li wira rûniştî bû , verêja şewatê di dest bû , min bankir serfiraz : li min zîvirî .

Min verêja wî jê xwest , bi alî min ve hat û verêj xiste destê min . lê min ne şiya bû tişteke bixwînim , ji ber roj hin bi hen diçû ava . û hindir tarîr tir di bû , min mûmek derxist û min got : xizme , mûmê bo min vêx . dema dangê kevirhest hat leşkerê li ber pencerê şiyar bû , û mûma min kir armanca devence xwe , min bankir : serfirazî

Serfirazî piştî xwe da min û çû .....

Dema çavet min vebûn , ez rawestim , lê dilê min ma veniştî li ber selîne . min rahişt dilekî pêçandî bi xwînê û min kilîtê Amûdê winda kirin di lehiyek ji rûndikan.

## *Nesrîn Têllo*

3- mamoste (Arşek) : tibabek ji helbestan pêşkêş kir ji helbestên wî jî ( birîna dil wlate – dikalin em - hey welato - qlenê fedraliyê – gul distirê – helbestek li gel hokerên ziman ) û evin du helbest ji yên wî :

## **Helbestek ji boyî we xelat**

Werin bixwînin tîpa  
Fêr bibin mekin rîpa

Tîpên girs û tîpên hûr  
Teva berdî binê tûr

Kesê bi zaneb vana  
Wê bibe jîr û zana

Emê bêjin tîpa ( A)  
Biçûk mezin wek bira

Tîpa ( BE) jî tibabe  
Gote bêyî wê nabe

Celeb bi ( CE) tê xwendin  
( ÇE) dide ravekirin

(ÇE ) jî cewîya (ÇE) ye  
( CE) jî wan re derge ye

li ( DE) hûn xweş bikin rav  
( E) bi( Ê) re gav bi gav

Ew herdû tîpên dengdar  
Liv dane zaravên zar

( FE) destpêka ferhengî  
We li (GE) pirsî kengî

(HE) jî ji hay û heste  
( Î) dengdare na weste

( I) nakeve pêşiyê  
Kî dixwaze xweşiyê

Jan û jînê (JE)çêkir  
Kar jî bi(KE) dest pêkir

(KE) ka ji ka kir cuda  
(GE) bingeha wan dida

( LE)û( ME)û(NE) bê deng  
Bi dengdara dane deng

(O) dengekî dirêje  
ji bîra xwe navêje

( PE) jî ji (PE) cihêye  
lê li dawî wek wêye

( QE) dertê ji jora dev  
( RE) bi zimanre direv

Jibîr nekîn ( SE)û( ŞE)  
Ezber bikîn jiboy xwe

( TE )û( TE) jî cêwîne  
Ji dengdar bi hêvîne

Dengdare ( Û ) bi awaz  
(U) kine lê wê bixwaz

Herdû jî nabin serkêş  
Boy tu goteya li pêş

Verêj û vir ( VE ) divê  
Tew girînge boy şevê

( WE ) û (YE) du girêkin  
Denga bi wan cihêkin

Xebat bê ( XE) maye bat

Ûher dike kêferat

( ZE) jî ma kat ji zar re  
Xwe qels nekîn ji kar re

Têbînek bê dirave  
Rênivîsa her gave

Arşek

## **Qelenê federaliyê**

Dwazdê avdarê  
Sura bayê setemê  
Dîsa rabû  
Bi kuştina zarokên .....  
Bê guneh ,  
Dest pêbû

Lê li rêjîmê  
Vegeriya ,  
Bû babîsokek  
Hêrs.... û huner....  
Dinavre ... difiriya  
Dengê belengazan  
Şiyarkirin  
Bi qêrîn û ...  
Bi mêranî ...  
Tev çol  
Û...tev ...çiya  
Hêzên çekdarî ...  
Weşên paşverû...  
Li rû çerxa demê  
Li hemberî .... kevir ... û ... kuçan  
Ranewestiyân  
Awazên serhildanê...  
Ji qamişlo .....

Gihîştin  
Efrînê ... zorava...  
Û vegeriyan... kûbanê  
Agirê tîndayî..  
Hate dadan  
Li amûdê ... reşmizgînê  
Da berxwedan  
Tirbesipiyê ... dêrikê  
Bajar û gundan .  
Hawar û ...  
Qêrînên  
Serê kaniyê...  
Bersîvên ... derbêsiyê  
Talanên eynsîça  
Pirsên ... til temir  
Û ya herî giran  
Bêsûckirina  
Serdar û ... leşkerên dujmin  
Yên dest bi xwîn  
Bûn sedema ku ....  
Li her çol û bejan  
Bû ... halan û ...talan  
Li zikak ...û  
Kolan ... û duryanên welat,  
Toş rabû ....  
Paşveruwên ereb  
Yên bê celeb...

Wêran kirin ,  
Komarên bi rûmet  
Berbat kirin ...  
Kovarên bîr û ramana  
Yên ku ji kîneke  
Kevnar ...  
Kela ... dilên kurdane ..  
Pir şerme ku navekî ...  
Keç ...û nepak  
Di nav me de  
Bê hildan ...  
Ew girawa  
Setema gemarin ,...  
Destên wan  
Yên bi xwîn ...  
Ji ber ayên bêsûca  
Tora...  
Bi serê wan de tîn...  
Ya we çiyê ?  
Şofîniyên dil bikîn?  
Piştî çend roj  
Derbas bûn  
Endamên ...komîta  
Zordara  
Li hev civîn  
Xekekên tirsê ...  
Şikestin  
Tirsên setemê...  
Pîkolyê çûn  
Dîsa ...bi hezaran  
Kurd  
Avêtin binê...zindana  
Nepirsîn ... kî sûcdare...?  
Lê kurd rabûn...  
Li cîhanan  
Ew gelê ku naraweste  
Maf xwaze ... û... naweste  
Av herrikî bin cilê  
Yeka a yeka ...  
Hin berdan  
Piştî îskence ... û lêdanê  
Tore anîn serê wan  
Û hinjî ji wan ...  
Kuştin .  
Lê yê din jî

Bûn ber ... ferman  
Dadgeh westandin  
Bi bersîva ,....  
Xekekên tirsê şikandin  
Mîna şêra şikandin  
Bûn sernûçên saloxî...  
Çi mizgîn bû  
Tev berdan  
Çavên we ronîbin  
Hejarên cîhan  
Millet .. bi şahî  
Û baweriyêke xurt  
Çûn pêşiya wan  
Welat ,...  
Biryara fîxanê  
Û dîlanê da ... çol  
Û çiyên û  
Berwaran  
Gel himbêz kirin  
Zarwên xwe  
Lê ... jibîr nekirin  
Kulên xwe  
Vîlikên gemarî  
Ji xwîn mija  
Derhatin.... bi ne yarî  
Başûrê biçûk  
Dişewite ... dibe tiraf  
Bi vî arî ...  
Ev qelenê fedraliyê ye  
Erê zore  
Lê pak û çê ye  
Ma gelo ...  
Ev xwestek ....ya kê ye  
Û ne ya kê ye .....? .

Arşek

Û du helbest ji yên (Kurdyar ) hatin xwendin .  
Û hin xortên dîtir helbestên xwe xwendin .  
Pêşkêşkerê komê di nav re şevbihêrk dewlemend kir bi helbestê û ev helbestek ji yên  
Pêşkêşkerê heftiyê ye :

## Koma amûdê

Koma amûdê	sema û koma we ye
Hiner û awaz	stiran û tora we ye
De biparêzin	xeml û xêza mîtanî
Da veguhêzin	hesta we bi stiranî
Hesta zarokên	li sînema şewitî
Hesta mirovên	ji kerba dil perritî
Dîlan û kêfe	ken û hovk û şano ye
Şîn û giriye	ji bîranîna doye
Tîne bîra we	navê boxê birîva
Û kevrê mozan	û biratiya kirîva
Şêxê li doda	û çîroka kum soro
Girê Şermola	û pûtê nebî horo
Hoo ismîlo	debêje hey felekkê
Bêje kanî lo	tola birca belekê

### dilyar

Û hindek ravekirin ji helbesvana hatin xwestin di babet û curên helbestê de wek:  
helbesta nûjen û helbesta bi pîvan û endazî .

17/11/2005/ şeva çarem mamoste ( Dîlawerê Zengî) mijada wî li gel dîroka komelên  
kurd berya sala /1957/ an bû ( berya anakirina partî dîmuqratî kurdistanî li başûrê  
biçûk ) . û hin danin û stendinên dîrokî li dar ketin .

18/11/2005/ şeva pêncem lêkoler ( Leheng) lêkolînên pîtolî di zanistiya derûnî( 'ilm  
elnefs) de bûn , bi hawakî zanyarî lêkolînên xwe şirovekirin .

19/11/2005/ şva şeşem mamoste ( Bozan Berazî ) : dîrok û abûr ,  
ristek dîrokî : ji somer ta bi cenga cîhanî ya yekemîn , û rewşa abûrî di herêma (   
Amûdê) de da ravekirin .

21/11/2005/ şeva heftem lêkolerê kurd ( Deham Ewdulfettah) şeva dawî ji vî heftiya  
rewşenbîrî ya hêja bû.

Hin xalên ku bi kurte birî hatin tevdan :

1- Dîroka rewşenbîrîya Amûdê :

Rola Melle Ubêdullahê Hêzanî (Seyda) û rola Hîcra wî û xwendekarên ku di  
wê Hîcrê de li ber destê Seyda xwendina xwe ya feqetiyê bi dawî anîn , wek :  
Seydayê Melle Ebdulletîf , Seyda Melle Ebdulhelîm Sima'îl , Melle  
Mihemmedê Dîkê, Melle Şêxmûsê Qerqatî , Melle Elîyê Topiz, Melle  
Fethullah , Cegerxwîn û hinin dîtir jî .....

Rola vî Seydayê ronakbîr û şagirtên wî gelekî li jîngeha Amûdê û hawîr dora wê hebû .

Wilo jî rola wan rewşenbîrên ku piştî serhildana (Şêx Se'îdê Kal) ji ser xetê daketin bin xetê û li Amûdê hêwirîn û binecî bûn , wek:

Rşîdê Kurd , Melle Hesenê kurd , Qedrî Can, Evdê Têlo , Qedrî Cemîl Paşa, Ekrem Cemîl Paşa û hinin dîtir .....

Evan kesên hişyar û bîraver bîngê çand û rewşenbîriya wêjeyî û siyasî li Amûdê bi cî kirin .

2- Danasîna zimên û giringiya wî boyî parastina nasnameya gellan

3- Rewşa zimanê Kurdî di vê qonaxê de :

- Kar û xebata ku heta nuha jêre bûye .
- Kêmasiyên wan berhemên rêzimanî yên ku li berdestê me ne (kurtebirrîya pitûkan ,pirrbûna navlêkirinên mijaran, têvelî û ne wekheviya navlêkirinên mijaran, ne wekheviya rastnivîsê .....
- Şarezayên zimanên biyanî û ezmûnên wan di warê sazkirin û pêşzistina zimanên xwe .

4- Kar û xebata ku ji me tê xwestin boyî çareser kirina arîşe û aloziyên zimên û sartkirina kêmasiyên wî .....

5- Pêwîstiya fêrbûna zimanê xweyê netewî û parastina wî ji windabûn û tunekirinê di bin durişma: ( Zimanê xwe biparêzin û xwe jî bi zimanê xwe biparêzin .....! ).

Li dûmahiya sîmînara xwe li ser konfiransa zimanê Kurdî ya ku li Amedê di navbera /17- 18/ yê meha /11ê de li dar ket , axivî û mijarên ku di konfirans de ber çav bibûn rave kirin û tiştên ku hatin gotin weku têbînî û encamname (Daxuyaniya dawî ) , ew jî di ber çavên guhdaran re derbas kirin . Li dawiyê bersivên pirr pirsan da .

Amadeker: Ahmed Mihemmed / ceger@amude.com

Amûdê /26/11/2005

